

№ 126

Лот № 108862
Лойиха-смета хужжатлари тузиш
10-сонли шартномаси

« 1 » июл 2022 йил

Тошкент вилояти

Келгуси ўринларда “Буюртмачи” деб юритиладиган ва Устав асосида фаолият кўрсатадиган “Тошкент Иссиқлик Электр Станцияси” АЖ унинг бош директори Б.А.Бўронбоев бир томондан, ҳамда келгуси ўринларда “Бажарувчи” деб юритиладиган ва Устав асосида фаолият кўрсатадиган «GAZLOYUNA» МЧЖ унинг раиси С.Арипов иккинчи томондан “Тошкент Иссиқлик Электр Станцияси” АЖга қарашли диаметри 530мм ва 720мм бўлган юқори босимли ер ости газ қувурларини реконструкция қилиш ишчи лойиха смета хужжатларини тайёрлаш учун пудрат шартномасини туздилар.

1. Шартноманинг мазмуни

- 1.1. “Буюртмачи” топшириғига асосан “Бажарувчи” “Тошкент Иссиқлик Электр Станцияси” АЖга қарашли диаметри 530мм ва 720мм бўлган юқори босимли ер ости газ қувурларини реконструкция қилиш лойиха смета хужжатларини тайёрлашни, М 1:500 да геодезик топография қилишни, лойихани Саноат хавфсизлиги ва Давлат Экспертизасидан ўтказишни ўз зиммасига олади.
- 1.2. “Бажарувчи” лойиха ишларини “корхона, бино ва иншоотлари қурилишига лойиха-смета хужжатларининг таркиби, ишлаб чиқиш тартиби ва тасдиқлаш” ҳақидаги ШНК 1.03.01-03, “Қурилишда жорий шартномавий баҳоларни аниқлаш тартиби” тўғрисидаги ШНК 4.01.16-04 ва лойихага қўйиладиган меёрий талабларни қоида ва қўлланмалар асосида бажарилишини таъминлайди.
- 1.3. Бажариладиган ишларга илмий, техник, иқтисодий ва бошқа талабларни бажариш лойихалаш топшириқномасида кўрсатилади.
- 1.4. Ишларнинг бажарилиш муддати танлов баённомаси асосида белгиланади ва мазкур шартноманинг ажралмас қисми ҳисобланади.
- 1.5. “Бажарувчи” махсус лойиха ишларига ёрдамчи пудратчи ташкилотлар билан қўшимча шартнома тузишга ҳақлидир. Қўшимча шартномаларни тузиш “Бажарувчи”нинг зиммасига юклатилган мазкур шартноманинг шартларини бажариш жавобгарлигидан озод этмайди.
- 1.6. Хўжалик шартнома шартларини бир томонлама ўзгартиришга рухсат этилмайди.

2. Томонларнинг мажбуриятлари

а) “Бажарувчи”нинг мажбуриятлари

- 2.1. “Бажарувчи” “Буюртмачи” томонидан берилган лойихалаш топшириқномаси ва архитектура режалаштириш топшириқномаси асосида лойиха ишларини бажаради.;
- 2.2. “Бажарувчи” мазкур шартнома бўйича бажарилган ишларни “Буюртмачи”нинг рухсатисиз учинчи шахсга беришга ҳақли эмас.
- 2.3. Лойиха ишларини бажарилишини танлов баённомасида кўрсатилган муддатда таъминлайди;
- 2.4. “Бажарувчи” томонидан тайёрланган лойиха асосида ҳисобланган сметадаги физик иш ҳажмлар, материал ресурслар миқдори тўғрилиги (лойихага мослиги) учун жавобгарликни ўз зиммасига олади.

б) “Буюртмачи”нинг мажбуриятлари:

- 2.5. “Бажарувчи”га иш ҳажмларини бажарилишига керакли архитектура режалаштириш топшириқномасини тақдим этади;
- 2.6. Бажарилган лойиха ишларидан шартномада кўзда тутилган мақсадда фойдаланади;
- 2.7. “Бажарувчи” томонидан бажарилаётган лойиха ишлари ва кўрсатилаётган хизматларнинг сифатини кузатиб боради;

3. Шартнома бўйича ишлар қиймати

3.1. Мазкур шартнома бўйича “Бажарувчи” томонидан бажариладиган ишлар танлов савдоси натижасида аниқланган ва танлов “Тошкент Иссиқлик Электр Станцияси” АЖ комиссиясининг 2022 йил 29 июндаги баённомаси билан тасдиқланган ишлар қиймати барча солиқлар, йиғимлар ва ажратмаларни (ҚҚСни инобатга олган ҳолда) ўз ичига олган ҳолда жорий нархларда **144 760 000 (Бир юз қирқ тўрт миллион етти юз олти миң минг) сўмни** ташкил этади.

3.2. “Буюртмачи” “Бажарувчи” ни мазкур шартнома бўйича олдиндан 15 фоиз бунак (аванс), маблағлари билан таъминлайди. Белгиланган маблағлар билан таъминлаш 10 кун муддатда амалга оширилади. 2022 йил тасдиқланган манзилий руйхатга биноан “Буюртмачи” томонидан **21 714 000** сўм маблағ молиялаштириб берилади.

3.3. “Бажарувчи” томонидан хизмат учун сарфланадиган моддий техника ресурслари миқдори ва хизмат муддати узил-кесил ҳисобланади ва қайта кўриб чиқилмайди, айрим ҳоллар бундан мустасно, яъни:

3.3.1. Ишларни бажариш ва хизмат кўрсатиш қиймати ва муддатини ўсишига ёки шу параметрлардан бирига бартараф этиб бўлмайдиган кучлар (форс-мажор ҳолати) сабаб бўлса.

3.3.2. “Буюртмачи” томонидан иш ҳажмларига ўзгартириш киритилганда.

3.3.3. Ишларни бажариш, хизмат кўрсатиш муддати бир йилдан ортиқ бўлганда.

3.3.4. Асослаб берилган ҳолда, юқорида қайд этилган ўзгартиришлар “Буюртмачи” ва “Бажарувчи” ўртасида қўшимча келишув билан расмийлаштирилади.

4. Ишларни топшириш ва қабул қилиш тартиби

4.1. Бажарилган ишлар ШНК 1.03.01-03 ва “Буюртмачи” томонидан тасдиқланган лойихалаш топширик талаблари асосида қабул қилинади.

4.2. “Бажарувчи” ишларни бажариб бўлгач, “Буюртмачи” га техник топширикда кўрсатилганидек топшириш-қабул қилиш далолатномаси билан биргаликда илова қилиб 3 та нусхада лойиха смета ҳужжатлари комплектини тақдим этади.

4.3. “Буюртмачи” мазкур шартноманинг 4.2.- бандида кўрсатилганидек, топшириш-қабул қилиш далолатномасини ва ҳисобот ҳужжатларида бажарилган ишларни 5 кун мобайнида қабул қилиш мажбуриятини олади ва “Бажарувчи”га имзоланган, ёки асосли эътироз билдирилган топшириш-қабул қилиш далолатномасини жўнатади.

4.4. Бажарилган ишларни топшириш-қабул қилиш давомида “Буюртмачи”нинг асосли эътирози бўлса, камчиликларнинг рўйхати ва уларни бартараф этишнинг аниқ муддатини белгилловчи икки томонлама жараёнда кейинчалик уни давом эттириш мақсадга мувофиқ эмаслиги маълум бўлиб қолса, томонлар 5 кун мобайнида бир-бирларини ишлар тўхтатилганлиги ҳақида хабардор қилишлари шарт ва 10 кун мобайнида ишларни давом эттириш учун мақсадга мувофиқ бўлган йўналишларни ойдинлаштирувчи масалаларни кўриб чиқишлари керак. “Буюртмачи” ушбу ҳолатда “Бажарувчи” га амалда бажарилган лойиха ишининг ҳаражатларини мазкур шартноманинг 3.3.2 ва 3.3.4 бандларига асосан амалга оширади.

5. Томонларнинг жавобгарлиги

5.3. Тўлов талабномасини асоссиз равишда тўла ёки қисман рад этганлик, шунингдек ҳисоб-китобларнинг бошқа шакллардаги ишларга ҳақ тўлашдан бош тортганлиги (Газначилик бошкармасига тўлов топшириқномасини тақдим этмаслик, чек бермаслик, аккредитив қўймаслик ва хоқозо) учун, “Буюртмачи” тўловдан бош тортган ёки рад этган суммасининг 0.04 фоиз ҳажмида “Бажарувчи” га жарима тўлайди. Аммо бунда, умумий сумма бажарилмаган иш ёки кўрсатилмаган хизматнинг 40 фоиздан ошмаслиги керак.

5.4. “Буюртмачи” олган мажбуриятини бузганлиги учун мазкур шартноманинг 4.3 моддасига асосан у “Бажарувчи”га ўтказиб юборилган хар бир кун учун мажбуриятнинг ижро этилмай қолган қисмининг 0,04 фоиз ҳажмида жарима тўлайди. Аммо бунда, умумий сумма бажарилмаган иш ёки кўрсатилмаган хизматнинг 40 фоиздан ортиб кетмаслиги керак.

5.5. “Бажарувчи” ишларини бажаришда, хизмат кўрсатишда олган мажбуриятларини бузганлиги учун ўтказиб юборилган хар бир кун учун мажбуриятнинг ижро этилмай қолган қисмининг **0,05** фоиз ҳажмида жарима тўлайди. Аммо бунда умумий сумма бажарилмаган иш ёки кўрсатилмаган хизматнинг 50 фоиздан ортиб кетмаслиги керак. Пеня тўлаш шартнома (контракт) мажбуриятини бузган томонни кечиктириб бажарган иши ёки кўрсатган хизмати оқибатида келтирилган зарарни қоплашдан озод этмайди.

5.6. “Бажарувчи” томонидан тайёрланган лойиха смета ҳужжатларида нуқсонлар (тайёрланган смета ҳужжатларидаги иш ҳажмларини лойихага мос келмаслиги) аниқланса “Бажарувчи” камчиликларни ўз ҳисобидан тўғриланишини таъминлайди ёки тақдим этилган лойиха смета ҳужжатларида қўпол хатоликларга йўл қўйилган бўлса Ўзбекистон Республикасининг амалдаги қонунларида белгиланган тартибда жавобгарликка тортилади.

5.7. Агар содир бўлишига томонларнинг ҳеч бири жавоб бермайдиган (форс-мажор) ҳоллар юзага келса, томонлар ўз ҳаракатларида Ўзбекистон Республикаси қонунчилик меъёрларига суянадилар.

5.8. Агар бажарилган ишлар, кўрсатилган хизматлар керакли сифатга, техник шартларга ва мажбурият шартларига мос келмаса, “Буюртмачи” бажарилган ишларга ҳақ тўлашдан бош тортишга ҳақли. “Бажарувчи” дан сифатга жавоб бермайдиган иш қийматининг 0,5 фоизи пеня жарима ундиришга ҳақли, бироқ бунда пенянинг умумий суммаси шартнома қийматининг 50 фоизидан ошмаслиги лозим. Агар бажарилган ишларга, кўрсатилган хизматларга ҳақ тўлаб қўйилган бўлса, белгиланган тартибда тўланган суммани қайтаришни талаб қилишга ҳақли.

Жарима ҳисоби тўлов талабномаси банк муассасига сифати, ассортименти ва нави лозим даражада бўлмаган бажарилган ишлар ҳақида далолатнома тузилганидан кейин 10 кундан кечикмай тақдим этилиши лозим. Жарима ҳисоби тўлов талабномаси белгиланган 10 кунлик муддатни бузган тарзда тақдим этилса, жаримани ундириш белгиланган тартибда амалга оширилади.

5.9 «ШНК 1.03.01-03»нинг 1.13 бандига асосан иншоотнинг лойиха-смета ҳужжатларида қабул қилинган техник иктисодий ечимлар, физик иш ҳажмларининг тўғрилиги ва қурилиш материаллари учун қўлланиладиган бирлик нархларининг тўғрилиги ва ҳаққонийлиги учун Лойиха ташкилоти тўлиқ жавоб беришлари, агарда қурилиш ишларига тендер савдолари ўтказилгандан сўнг қурилиш жараёнида лойиха ҳужжатларида аниқланган хато ва камчиликлар қиймати аниқланса, ушбу камчиликларни тўғрилаш учун кетадиган барча харажатлар лойиха ташкилотлари томонидан тўлиқ қопланилади.

5.10. Шартномани ижро этмаганлиги ёки етарли даражада бажармаганлиги учун, жавобгарлик агар шартномада ўзгача кўзда тутилмаган бўлса, Ўзбекистон Республикаси “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги қонунининг 25-32-моддаларига асосан жавобгарлик чоралари қўлланилади.

5.10-а. Томонлар ўртасида низолар ва келишмовчиликлар юз берган ҳолатларда жавобгар томон жойлашган ҳудуддаги хўжалик судига мурожаат қилинади.

6. Бартараф этиб бўлмайдиган куч ҳолати (форс-мажор)

6.1. Агар томонлар мажбуриятларининг қисман ёки тўла ижро этилмай қолиши табиий ҳодисалар, ҳарбий ҳаракатлар ва бошқа бартараф этиб бўлмайдиган кучлар сабабли содир бўлган бўлса, ҳамда бу ҳолат мазкур шартнома (контракт) ижросига бевосита таъсир кўрсатган бўлса, томонлар мазкур шартнома (контракт) бўйича мажбуриятларнинг қисман ёки тўла ижро этилмай қолгани учун жавобгарликдан озод бўладилар.

Мазкур шартнома бўйича мажбуриятларнинг ижро муддати бартараф этиб бўлмайдиган вазият, келтириб чиқарган оқибат ҳукм сурган вақтга мос равишда орқага сурилади.

6.2. Агар бартараф бўлмайдиган куч вазияти ёки унинг оқибатлари 3 ойдан ортиқ вақтга чўзиладиган бўлса, “Бажарувчи” ва “Буюртмачи” ишни давом эттириш ёки номаълум вақтга тўхтатиш учун чора тадбирлар кўришни муҳокама қиладилар.

Агар томонлар 2 ой мобайнида бир тўхтамга кела олмасалар, томонларнинг ҳар қайсиси шартномани бекор қилинишини талаб қилишга ҳақлидир.

7. Қўшимча шартлар

7.1. Мазкур шартномада кўзда тутилмаган томонларнинг ўзаро муносабатлари Ўзбекистон Республикасининг “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги қонунига, ҳамда Ўзбекистон Республикаси Фуқаролик кодексига асосан белгиланади.

Антикоррупция шартлари.

7.2. Шартнома бўйича ўз мажбуриятларини бажаришда Томонлар коррупцияга қарши курашиш бўйича қоидаларга, шу жумладан амалдаги қонунларга риоя этилишини таъминлайди; яъни улар, уларнинг ходимлари, аффилиланган шахслари, бенефициари ва шартномани амалга оширишдаги ҳамкорлари, пудратчилари томонидан бир-бирига ёки давлат иштирокидаги ташкилот ходимига пора бериш ёки пора беришда воситачилик қилиш, моддий ёки номоддий наф олишдан тийилиши лозим. Томонлар ушбу ҳаракатларнинг олдини олиш бўйича чора-тадбирлар қабул қилинишини кафолатлайди.

7.3. Томонлар коррупцияга қарши қоидалар бузилганда ёки асосли гумонлар юзага келганда дарҳол ёзма равишда (электрон почта орқали) бир-бирини хабардор қилиш мажбуриятини олади.

Бунда томонлар юзага келган ҳолатга ойдинлик киритиш мақсадида ёзма изоҳ талаб қилиш ҳуқуқига эга ва мурожаатни олган томон 10 (ўн) иш куни мобайнида тушинтириш бериши ёки ўз фикрини билдириши мумкин.

7.4. Мазкур бобнинг талаблари бажарилмаганда, шу жумладан белгиланган муддатда коррупцион хавф-хатар бартараф этилмаса, томонлар амалга оширган чоралар коррупцион ҳолатни пасайишига олиб келмаса, бошқа томон шартномани бекор қилиш ҳуқуқига эга ёки унинг ижросини тўхтатиб қўйиши мумкин.

7.5. Ушбу бобда кўрсатилган асослар бўйича шартномани бир томонлама бекор қилишни талаб қилган томонга етказилган зарарларни қоплаш, ушбу бобнинг мажбуриятларини бузган томон эса шартноманинг бир томонлама бекор қилиниши оқибатида кўрилган зарарларни қоплашни талаб қилишга ҳақли эмас.

8. Шартноманинг амал қилиш муддати ва шартлари

8.1. Мазкур шартнома томонлар имзолангандан кейин кучга қиради ва унинг шартлари тўлиқ бажариб бўлгунича ҳақиқий ҳисобланади.

8.2. Мазкур шартноманинг амал қилиш муддати томонлар мажбуриятлари бажарилганига қадар.

8.3. Мазкур шартнома бир хил юридик кучга эга бўлган 2 нусхада тузилди.

9. Низоларни ҳал этиш тартиби ва ҳуқуқий экспертизаси

9.1. Шартноманинг мазмуни уни тузишга тайёрлаш жараёнида юридик хизмат субъектлари ёки жалб этилган адвокатлар томонидан қонунчиликка мувофиқ келиши текширилган бўлиши даркор. Уларнинг имзосиз ёки ҳулосасиз шартнома тузилишига йўл қўйилмайди.

9.2. Шартномани тузиш, ижро этиш, ўзгартириш ва бекор қилиш, шунингдек келтирилган зарарни қоплаш чоғида томонлар ўртасида вужудга келган баҳслар қонунчиликда белгиланган тартибда хўжалик суди томонидан ёки томонларнинг келишувига биноан ҳакамлар суди томонидан қараб чиқилади.

Шартномани амал қилиш муддати 2022 йил 31 декабрь.

10. Томонларнинг реквизитлари

Буюртмачи:

"Тошкент ИЭС" АЖ



Бош директор:

Б.А. Бўрибоев

KELISHILGAN:

Tex. direktor

Moliya bo'yicha direktor

MKTJ xizmati boshlig'i

Bosh buxgaker

MIB boshlig'i

Bosh yurist

Ijro



Бажарувчи:

«GAZLOYIHA» МЧЖ

Манзил: Карши ш. А.Темур кучаси 36 а уй

Тел: 91-955-00-01

х/р 2020 8000 9003 0545 5001

Банк: Hamkor Bank Карши булими

МФО 01031 ИНН 200 670 720

ОКЭД 66000

Раис:

А.Арипов

